

## Eahperievttalašvuoda vásihan?

Leat go goassege vásihan ahte giige lea duinna láhtten eahperievttalaččat? Dalle don soaittát leat vealahuvvon. Norgga láhka gieldá vealaheami čearddalašvuoda, oskku, seksuála soju, doaimmannávccaid, sohkabeali dahje agi geažil. Ii ge dan geažil leat lohpi givssidit dahje bilkádaddat geange.

### Givssideami ja bilkádaddama ovdamearkkat:

- Nissonolmmoš ii oaččo barggu dannego lea áhpeheapmi
- Čalmmehis almmái ii beasa váldit iežas ofelašbeatnaga restoránjii
- Nuorra almmái ii beasa olgobáikái dannego son lea gámut
- Muslimnisu gohčohallá nuollat iežas hijaba go son lea barggus
- Homofiila almmái gean álot skuožurdit ja gean birra leikkastallet su seksuála soju geažil

**DIEÐIT!**

Dásseárvo- ja vealahusáittardeaddji veahkeha ovttaskas olbmuid guđet leat vásihan vealaheami.

## Gii lea DVÁ?

Dásseárvo- ja vealahusáittardeaddji, DVÁ, lea stáhta organisašuvdna man bargu lea ovddidit dásseárvvu ja šláddjiivuođa.

DVÁ galgá fuolahit ahte lágat mat gildet vealaheami, čuvvojuvvojit. Buohkat geat dovdet ahte sii vealahuvvojit, galget váldit oktavuoda minguin. Mii rávvet ja veahkehit, ja jus háliidat, de mii sáhttit veahkehit du váidalit vealaheami. DVÁ don geavahat nuvtá.

Dásseárvo- ja vealahusáittardeaddji namma lea Sunniva Ørstavik. Sus leat eambo go 60 bargi guđet veahkehit su bargat vealaheami vuostá.

Dásseárvo- ja vealahusáittardeaddji galgá bargat vealaheami vuostá ja ovddidit dásseárvvu nu ahte olmmoš ii dárbbáš gillát vealaheami earret eará iežas sohkabeali, čearddalašvuoda, oskku, doaimmannávccaid, seksuála soju ja agi geažil.



Likestillings- og  
diskrimineringsombudet

### Váldde oktavuoda minguin!

Ruoná nummir: 800 41 556  
Telefuovdna: 23 15 73 00  
Telefákša: 23 15 73 01

Mariboegate 13, 4. etg.  
8048 Dep, 0031 Oslo  
E-poasta: [post@LDO.no](mailto:post@LDO.no)  
[www.LDO.no](http://www.LDO.no)



áittardeaddji  
Sunniva Ørstavik



design: www.cox.no illustration: Lars Aurtande

Eahperievttalašvuoda vásihan?

**DIEÐIT!**

DVÁ veahkeha du



**LDO**

Likestillings- og  
diskrimineringsombudet



### EAHPERIEVTTALAŠVUOĐA VÁSÍHAN?

Leat go goassege vásihan ahte giige lea duinna láhtten eahperievtalaččat du sohkabeali, čearddalašvuođa, oskku, giela, seksuála soju, doaimmannávccaid dahje agi geažil? Dalle don soahtát leat vealahuvvon.



### ČÁLES MII DÁHPÁHUVAI

- Mii lea dáhpáhuvván?
- Gii dan dagai?
- Gos dat dáhpáhuvai?
- Goas dat dáhpáhuvai?
- Lei go giige dan oaidnimin guhte sáhttá dan duođaštít?



### GÁVNNA VÁSTTOLAČČA, JA DIEĐIT SUTNJE!

Gávnnat geas lei ovddasvástádus vealaheamis, ja daja sutnje njuolggá. Jus don it mital vealaheami birra, de lea váttis dahkat dainna maidege. Vealaheami siva lea dávjá diehtemeahttuvuohta, ii ge bahás dáhttu. Jus don dajat dan vealaheaddjái, de soaitá ášši čovdovjuvot iešalddis.



### VÁLDDE OKTAVUOĐA DVÁin

Dássárvo- ja vealahusáittardeaddji (DVÁ) rávve ja veahkeha buohkaid guđet vealahuvvojít. Mii sáhttit árvvoštallat lea go du vásáhus ahte duinna lea eahperievtalaččat láhttejuvvon, vealahuslágaid rihkkun, ja mii sáhttit veahkehit du váidalit.



### DON SÁHTÁT VÁIDALIT

Jus don válljet váidalit vealaheami, de DVÁ váldá oktavuođa singuin geaid don leat váidalan, gullan dihtii sin čilgehusa áššis. Jus DVÁs lea siva jáhkkit ahte don leat vealahuvvon, de ferte son gean don leat váidalan, duođaštít ahte ii leat leamaš miige vealahemiid.



### EARÁ ČOVDOSAT

Jus vealaheami lea váttis duođaštít, dahje don it háliit váidalit, de lea vejolaš čovdít ášši eará vugiid mielde. Dalle sáhttá DVÁ árvalit gos don sáhtát veahki ohcat.



### GÁNNÁHA

Olus nagadit bissehit vealaheami go leat ožžon rávvagiid ja veahki DVÁs. Rávvagat sáhttet veahkehit vealahuvvon olbmuid soahpat vealaheaddjiiguin mo sii sáhttet gávdnat čovdosa dillái. Go don váidalat DVÁi, de don leat mielde gilvimiin dieđuid vealaheami birra. Nu don sáhtát eastadit earáid vealahuvvomis.



### GULAHALLANDIEĐUT

Ringes midjiide dán nummirii: **800 41 556**, čáles midjiide dán čujuhussii: **post@ldo.no**, sáddes reivve deike: LDO, 8048 Dep, 0031 Oslo, dahje geahčas **www.LDO.no** gos don gávnnat eanet dieđuid. Don sáhtát maid galledit min Oslos dán čujuhusas: Mariboes gate 13. Mii sáhttit lágídit dulkka.